

DIARIO


UN BANDERA... UN ESCUDO... UN HIMNO... UN DIARIO

Hubentud den movecion

pa Mercedes Monge

40 Aña di Matutino DIARIO, 28 aña di Seccion Hubentud den Movecion

Mercedes Monge



conoci Siomara Everon, y esey tabata pa bin cu un par di pagina special pa hubentud.


Esaki a sosode pasobra ami cu Gina Burleson a forma un duo cu tabata bishita scolnan secundario den pause, y papia cu e alumnonan tocante kico tabata e bida di un hoben e momentonan ey, kico nan preocupacion, kico nan lo a cambia si nan lo tabata por a haci esey, sea na scol, den e famianan, den e sociedad, etc., y kico nan aspiracionnan pa futuro tabata.

E relatonan tabata wordo publica den DIARIO, como noticia ilustra pa e bunita potretnan di Gina, ken tambe tabata haci preguntanan como un adulto hoben cu conocimiento di causa.

E relatonan ilustra cu e bunita potretnan di Gina a cay na agrado di un grupo di alumno di La Salle College, entre nan e famoso Siomara Everon, y nan a propone pa DIARIO bin cu un seccion pa hubentud.

Un idea masha bunita pa cual nos inolvidable director Jossy Mansur (mi ta sinti su falta ketobay), a duna su aprobacion mesora. Asina DIARIO a bira e pionero di un seccion pa Hubentud tur Diaranzon, cu te awendia tin su derecho di existencia.

Aki mi tin di gradici Aureen Werleman, cu e lunanan cu mi a keda ausente pa motibo di salud, el a encarga di e seccion. Tambe ta gradici Marlene Maduro, lider di Mundo di Mucha cu Hesus y Hobennan cu e Luz di Mundo, cu a sigui colabora.



Diamars tabata un dia hopi special pa Matutino DIARIO, cu su di 40 Aniversario, y mi ta sumamente orguyoso cu for di aña 1992, mi ta forma parti di su team di redactor. E transcurso di e 29 añanan aki ta riba su mes un capitulo extenso, no solamente di mi bida laboral, pero tambe su refleho den mi bida familiar, den momentonan cu mi yiunan tabata den edad di scol basico, y despues pasa den nan adolescencia, loke eherciendo e trabao di prensa, no tabata facil. Si mi tin cu bisa cu semper mi a conta cu e flexibilidad di mi doñonan di trabao, y mi sa cu mi no a defrauda nan.

Mi ta corda manera ta ayera mes, e dia cu mi a acerca nos inolvidable director Jossy Mansur (mi ta sinti su falta ketobay), cu un proyecto proponi pa un grupo di alumno di La Salle College, un di nan e hopi

E seccion Hubentud den Movecion (nomber scogi pa mi colega di aviso Franky), a gusta asina hopi, cu nos a cuminsa haya invitacion pa asisti na lesnan di Maschapijleer na Colegio La Salle mes, y despues na otro scolnan, siendo esaki un experiencia maraviyoso. Despues a bin un espacio nobo "Mi voz tambe ta conta" unda e muchanan di scol basico y secundario tabata skirbi nan opinion riba diferente tema, e maestronan tabata revisa nan y despues mi tabata haya nan pa wordo publica v

saca potret.

Lastima cu hopi mayor a keha pasobra algun mucha tabata expresa cosnan fuerte, pero semper cu respet, pero asina mes scolnan a dicidi pa no uza e espacio ey mas, pa evita disgusto cu mayornan.

En fin, Seccion Hubentud den Movecion ta forma parti di e tremendo historia di DIARIO su di 40 Aniversario, y mi ta gradici Dios, Jossy (den feliz memoria) y un y tur cu semper a colabora cu Seccion Hubentud den Movecion.